

Շուռ է գալիս ծանր քարը
Մեր մոր կրծքից տենչավառ,
Վեր է կենում մեր աշխարհը
Ավերներից անհամար...

- 5 – Հեյ, ջան տղերք, ուս տվեք, ո՛ւս,
Միահամուռ, միաբան,
Հեյ, ջան տղերք, ուժ տվեք, ո՛ւժ,
Քարը մոտ է գլորման:

- Մտիկ տվեք՝ ինչ վեհ պատկեր
10 Մեծ հիացման արժանի,
էսքան դարեր նա քարի տակ
Դեռ շընչում է կենդանի.
Ու աչքերը, թեև լացոտ,
Լիքն են կյանքով ու հույսով,
15 Ու հույսերը, համակ ազնիվ,
Լիքը բարով ու լուսով...
– Հեյ, ջան տղերք, ուս տվեք, ո՛ւս,
Միահամուռ, միաբան..
Հեյ, ջան տղերք, ուժ տվեք, ո՛ւժ,
20 Քարը մոտ է գլորման:

- Տեսե՛ք, թեև ծվեն-ծվեն
Ծիրանի է իր հագին
Ու ցուում է իր ճիգերեն
Ազնվական իր հոգին...
25 Ամեն շարժում դեպի կյանքն է,
Ամեն ձգտում՝ դեպի վեր,
Աչքերն էն կողմ, ուր ծաղկում են
Ընտիր ազգերն ու ցեղեր...

- Հէ՛յ, ջա՛ն տղերք, ուս տվեք, ո՛ւս,
30 Միահամուռ, միաբան,
Հէ՛յ, ջա՛ն տղերք, ուժ տվեք, ո՛ւժ,
Քարը մոտ է գլորման: